

Nihuiro'sa marë' ninshitërinso'

Natapo, Apio, inapita tëhuëpiso'

10 ¹Aaron hui'ninpita Natapo, Apio, inapitaso Yosë yachinotatona a'pëtinanëna mapi. Pënsha acorahuatona', atomontacaiso marë' yonarin pochin nininso' acotopi. Co Yosëri ina pochin camaipirinhüë napopi. ²Napohuachina, inapita ahuiquitacaso marë' Siniorori chachin pën a'patimarin. Napoaton cato chachin chiminpi. ³Ina quëran Moisësëri Aaron itapon:

—Pocamaso' mini apiratatënuëma i'hua Sinioro naporin: “Ya'caririnacosopita, noya noya ninahuëso a'notarahuë. Israiro'santa huënaratërahuëso', a'notarahuë,” tënin. Aaronso nipirinhüë', co manta tëninhüë'.



Nanan anoyatacaso tahuëri nininso'

16 ¹⁻²Aaron hui'ninpita na'con na'con Sinioro ya'cariatona', chiminpi. Ina piquëran Siniorori, Moisësë itapon: “Iya masho Aaron sha'huitëquë' nitochin. Chinotamacoso pëiquë noya noya patoana nininguëso', co topinan tahuëri ya'conaramahuë'. Co anoyatërehuaso caposonën a'tanamën notënanquë tëranta huanicaiso ya'huërinhuë'. Ina aipi, chitoroquë yáya'norahuë ni'ton, topinan tahuëri ya'conpatama', chiminarama', itëquë'” itërin.

³Ina quëran itaantarin: “Nani pi'iquë inaquëso', a'naroíchin Aaron ya'coanin. Nanan anoyatacaso tahuëri itopiquëáchin, ya'coanin. Inaquë Aaron ya'conpachin, a'nara toroa'hua chinotamacoso pëiquë oshanën marë' quëcapon. A'nara carnironta', ya'ipi ahuiquitacaso marë' quëcapon. ⁴Nani cato chachin quëpachin, i'nanpirarahuaton, amapon. Ina quëran corto hua'an a'mocaso marë' acopiso' a'mosarin huachi. Carsonsicho sario-tahuaton, a'mocaso nininso a'moanin. Ina aipi sintonronquë nitonporahuaton, nitonpomototërinso yancoapon. Ya'ipi corto hua'an a'mocaso marë' acopisoso', rino pi'shi quëráchin nipi.

⁵Ya'ipi israiro'sa oshanëna marënta', cato chipo Aaron quëshiapi. Naporahuaton ya'ipi ahuiquitacaso marë' a'na carnironta', quëshiapi. ⁶Inaora toroa'huanënso nipirinhüë', oshanën

marë' Aaroni ahuiquitarin. Inapotohuachin, oshanën inquitarahuë. Sa'in, hui'ninpita, inapitanta co noyahuë' nipiso', inquitarahuë. ⁷Ina quëran cato chiporo'santa ca marë' quëpiso', quëcapon. Noya patoana ya'coananën notënanquë huarë' a'notiincoso marë' quëcapon. ⁸Inaquë nicanatona ocoipiso pochin chiporo'sa nitarin. Cato na'pitëa'huayaquë, inquënsona nicacaso ninshitapon. A'naquë: 'Sinioronquën,' ta'ton, ninshitarin. A'naquëso nipirinuë': 'Asasironquën^a,' ta'ton ninshitarin. ⁹Insosona chipo ca marë' nininso' capainchinpachin, Aaroni quëcaton a'notaponco. Ina piquëran israiro'sa oshanën inquitahuasos marë' inari chachin tëpapon. ¹⁰A'nanta', Asasironquën nininso', co tëpaponahuë', quëshiponco. Israiro'sa oshanën inquitahuasos marë' quëshiponco. Ina piquëran inotëro parti, Asasiro ya'huërintaquëchin a'papon huachi.

¹¹Aaronso', inaora oshanën marë' toroa'hua quëninso' tëparin. Sa'in, hui'ninpita, inapitanta oshanëna marë' inapotarín. Inapohuachina, oshanën inquitarahuë. Sa'in, hui'ninpita, inapitanta oshanëna inquitarahuë. ¹²Ina quëran a'pëtinan masahuaton, artaroquë pënaya po'mochin. Inaso artaro, chinotëramacoso në'mëtë pëi otënpiso notënanquë ya'huërin. Cato së'tamo yonarin pochin pimóton nininsonta noya noya patoana itopiquë quëpa'in. ¹³Nani acoana nipachin, yonarin pochin pimóton nininso', tomontacaso marë' pënsha aipi aco'in. Ya'norahuëso patoanaquë tomonchin. Tomontërinsoari anoyatërehuasos caposonën a'tanamën imotapon. Inapotohuachin co Aaron

chiminaponhuë'. ¹⁴Toroa'hua huënnainën maninsonta', pi'pian main. Masahuaton, pi'i pipirinsos parti quëran caposonëhuë a'tanamën ta'sachin. Ina quëran caposonëhuë a'tanamën notënanquëraonta', imirin quëran canchisëro' ta'sachin. ¹⁵Nani inapotohuachin, chipo israiro'sa oshanëna marë', nininso' tëpa'in. Tëpahuachin, huënnainën sënanquë main. Ina huënai' masahuaton, noya noya patoanaquë quëpapon. Inaquë caposonëhuë a'tanamën aipi ta'satapon. Ina quëran caposonëhuë a'tanamën notënan quërantá', ta'satapon. Toroa'hua huënnainën quëran napotërinso chachin nitarin. ¹⁶Inapotatón, noya noya patoana tapararin. Israiro'sa amirotochináchin ni'nahuëso' nicatona tapipi ni'ton, tapararin. Co natantochináchinhuë' cancantatona chinitërinaco ni'ton, napoarin. Naporahuaton oshahuanpiso marë', ina pochin tapacaso ya'huërin. Inapochachin ya'ipi chinotëramacoso në'mëtë pëi nitamaso ya'huërin. Pëinëhuëso', israiro'sa ya'huëpiso huáncana ya'huërin. Napoaton amirotochináchin ni'nahuëso' nicatona', tapipi.

¹⁷⁻¹⁸Aaron noya noya patoanaquë israiro'sa oshanëna inquitahuasos marë' camaitërahue'so niin. Inapoaso', co insonta chinotëramacoso në'mëtë pëiquë ya'conacaso ya'huërinhuë'. Ina quëran pipiahuarë', ya'conapona'. Nani inaoranquën, sa'in, hui'ninpita, ya'ipi israiro'sa', inapita Siniorori oshanën inquitohuachin, Aaron pipiárin. Pipirahuaton artaro ya'huëre' tapanarin. Inaso' artaro chinotëramacoso në'mëtë pëi otënpiso notënanquë ya'huërin. Toroa'hua, chipo, inapita huënnainën pi'pian masahuaton, artaro pomonënpita

^a 16.8 *Asasiroso'*: Inaso ma'sona nininso nisha nisha yonquirapipi. Napoaponahuë inaso', chipo israiro'sa oshanën quëpana'pi ninin.

pashitarin. Naporahuaton ya'ipi tahuirinquë pashitarin. ¹⁹Ina quëran ina huënaiquë chachin, imirin quëran i'comiitahuaton, artaro aipi canchisëro'ta'satarin. Israiro'sari oshahuanatona tapipirinahuë', inapo taparahuaton chinotamacoso marë' acoantarín.

²⁰Chinotamacoso marë' në'mëtë pëi' acoramaso' ya'ipi taparahuaton, artaronta nani tapahuachin, a'na chipo ya'huërë' quëcacaíso camaitapon. ²¹Nani quëpachina', ina së'huamoto-rahuaaton israiro'sa ya'ipi co noyahuë' nipiso sha'huitarin. Ya'ipi co natan-tochináchinhuë' nicatona', chinitatë pochin nitërinacosopita sha'huitarin. Inapoaton ya'ipi oshahuanpiso sha'huitarin. Inapo sha'huitaton, israiro'sa oshahuaninso', chipo motënguë acoatë pochin nitarin. Nani ya'ipi sha'huito-huachin, a'na quëmapiri inotëro parti quëpaton, inaquë a'papon. ²²Inapoto-huachin, chipo inotëro parti chihuëaton, israiro'sa oshanëna co piyapi ya'huë-rinquëhuë' quëpatapon.

²³Ina quëran Aaron chinotëramacoso pëiquë ya'coantarahuaton, rino pi'shi quëran a'morinso ocoiarin. Inapora-huaaton inaquë acoarin. ²⁴Inaranchin amarahuaton, nani tahuëri a'morinso a'moantarín. Ina quëran i'iratëquë pipirahuaton, cato carniro nininso' Siniro marë' tëparin. Nani tëpara-huaaton, artaroquë ya'ipi ahuiquitarin. Inaoranquën'ton ahuiquitarin. Ina quëran israiro'sanquën nininsonta', ahuiquitarin. Inapohuachin, oshanën inquitarahuë. Israiro'santa', oshanëna inquitarahuë. ²⁵Toroa'huanta oshanën marë' tëparinso tomaquën, artaroquë chachin ahuiquitarin. Israiro'sanquënta oshanëna marë' chipo tëparinso tomaquën, inaquë chachin ahuiquitarin anta'.

²⁶Insosona chipo Asasironquën nininso' inotëro parti aconpachin, a'morinso pë'sapon. Inaporahuaton i'quë amapon. Naporo huarë' ya'huë-ramaquë ya'coantapon.

²⁷Toroa'hua, chipo, inapita oshanëna marë' tëpatona huënainën noya noya patoanaquë quëpaapi. Inapitaso', noshinëna ahuiquitacaiso ya'huërin: Noshinën, sha'huëtën, chi'chinën, inapitaso', ya'huëramaso inton aquëtë ahuiquitapona'. ²⁸Insosona ahuiquitë-rinso', a'morinso pë'sarahuaton, i'quë amapon. Naporo huarë' ya'huëramaquë ya'coantapon.

²⁹Ya'ipi ipora camairanquëmasopita, co canpitasáchin camairanquëmahuë'. Shiparimapitanta', natëcaíso ya'huërin. Pascoa tahuëri'sa na'huërin quëran huarë' canchisë yoqui pichiarama'. Naporo yoqui shonca tahuëri nani-huachin, Siniro marë' chinotarama'. Co manta sacatamaso ya'huërinhuë'. Co nisharo'sa yacaparinquëmasopita tëranta', sacatapihuë'. Naporo tahuëri co manta coshatapomarahuë', yonquiaramaco. ³⁰Naporo tahuëri oshanëma inquirama'. Ca Siniroco inquitaranquëma'. Ina inquitohuatënguëma', co huachi ina marë' na'inaramahuë'. ³¹Ya'ipi ipora camairanquëmasopita, co canpitasáchin camairanquëmahuë'. Shiparimapitanta', natëcaíso ya'huërin. Ina tahuëri noya nicatoma canpitaso', ca marë' chinotarama'. Co coshatatamarahuë', chinotaramaco.

³²Insosona corto hua'an tomaquë opomototatona huayonpachina', pa'pini chachin ya'ipi camaitërahuësopita nicacaso marë' nanan quëtarin. Rino pi'shi quëran corto hua'an marë' nitopiso' a'mosahuaton, ma'pitaso nicacaiso' camaitërahuëso nisarin. Inapohuachin oshanëna inquitarahuë. ³³Noya noya

patoana, noya patoana, artaro, inapita oshahuanatoma tapiramaso', naporo tahuëri anoyatarin. Inapohuachin, corto hua'ano'sa', isirairo'sa', inapita oshahuanpiso', inquitarahué.

³⁴Ya'ipi ipora camairanquëmasopita, co canpitasáchin camairanquëmahué'. Shiparimapitanta', natëcaiso ya'huërin. Nani pi'iqué a'narora ya'ipi camaitërahüeso nico'. Ya'ipi isirairo'sa oshanën inquitahüeso marë' inapoco', itërin Yosëri Moisésë nontaton.

Ina quëran, Siniorori Moisésë camairinso chachin Aaronso' ya'ipi ninin.

Noya nicacaiso marë' pënënsopita

19 ¹Naquëranchin Siniorori Moisésë nontaton itapon: ²“Apira napotaranquënso', ya'ipi isirairo'sa sha'huitëquë':

Caso Yosëco noyasáchin ninahuë'. Napoaton canpitanta', noyasáchin nico'.

³Tatama noya nicatoma natëco'. Mamamanta natëco'.

Chinoto tahuëri sha'huitëranquëmaso' noya nicatoma chinotoco'. Caso Yosëco napotaranquëma ni'ton, natëco.

⁴Ama mamanshi chinotocosohué'. Ama hua'na asoquirama quëran mamanshi ca pochin chinotamaso marë' nicosohué'. Caso Yosëco napotaranquëma ni'ton, natëco.

⁵Nanan anoyatërehüeso marë' chinotatomaco, ma'sha tëpahuatama', noya cancantatoma inapoco'. Noya ni'inquëma'. ⁶Ma'sona ina marë' tëparamaso' noshinën, naporo tahuëri chachin capamaso ya'huërin. Tahuëririnquënta noya capacaso niponahuë', ina tashirayaso', ahuiquitamaso ya'huërin. ⁷Inapotamaso nipirinhuë' ca'patama', ma'sha tëparamaso co huachi noya ni'sarahué'. ⁸Inso tëranta

ina ca'pachin, ana'inta'huaso ya'huërin. Ca marë' nininso' co të'huatërinhuë' ni'ton, ya'huërama quëran ocoicamaso ya'huërin.

⁹Sharo'sa nitërinso' macacaso nanihuachin, ama naniarin quëran huarë' macosohué'. Pi'pian pi'pian quëparitërinso'pita, ama oshatocosohué'. ¹⁰Oparonëmanta nitërinso', ama naniarin quëran huarë' macosohué'. Shitatërinso'pita ama oshatocosohué'. Sa'ahuaros'a', nisharos'a', inapita marë' acotoco'. Caso Yosëco napotaranquëma ni'ton, natëco.

¹¹Ama ihuatocosohué'. Ama nonpincosohué'. Naporahuaton, ama ninonpintocosohué'.

¹²Ama Yoscoarë' ta'toma', piyapi'sa nonpintocosohué'. Napohuatama', co manta të'huatëramacosohué pochin nisarama'. Ca Sinioroco napotaranquëma'.

¹³Ama ahuëton nicosohué'. Ama ahuëtatoma', a'napita ma'shanëna matocosohué'.

Sacato catahuarinëmasopita, naporo tahuëri chachin pahuëreco'.

¹⁴Ama në'huëyaro'sa co noyahuë ya'huëcaiso marë', sha'huitocosohué'.

Ama iraquë somarayaro'sa i'pacaiso marë' ma'sha acotocosohué'. Ca Sinioroco napotaranquëma'.

¹⁵Hua'anquëma nipatama', no'tëquënáchin ana'intoco'. Sa'huaro'sa nisapirinhuë' co noyahuë' nipachina', no'tëquënan ana'intoco'. Ma'huano'santa co noyahuë' nipachina', no'tëquënan ana'intoco'.

¹⁶Ama nanan pa'yatocosohué'.

A'na piyapi yatëparahuachina', ama catahuatëquësohué'. Ca Sinioroco napotaranquëma'.

¹⁷A'na piyapi tëhuëtohuachinquën, ama cancanën quëran no'huiráquësohué'.

A'na piyapi tëhuëhuachin, no'tëquënan pënënamaso ya'huërin. Co

pënënpatanhuë', quëmarinta catahuan oshahuanacaso'.

¹⁸Ama canpita capini nino'huitoma nii'huërëtosohuë'. Canpitaora ninosororamaso pochachin a'napitanta', nosoroco'. Ca Sinioroco napotaranquëma'.

¹⁹Ama topinan quëran pënënanquëmasopita, natancosohuë'. No'tëquën natëco'.

Ama nisha pë'tahuaquë, pë'tahuanëma ato'quëtocosohuë'.

Sha'tohuatama', ama ina iminquërächin nisha nisha ya'pirin, sha'cosohuë'.

A'mocamaso yanipatama', ama nisha nisha quëran pa'tocosohuë'. A'naquë-sáchin pa'toco'.

²⁰A'naquën cosona nanon ni'ton, a'na quëmapiri macacaso marë' nohuantërin. Nani anoyataponahuë', hua'anën quëran ocoicaso marë' co pahuërëapichátërarinhuë'. Napoaponahuë', a'nari ichihuë'ërin nipachina, tëhuëna'piso', tëhuërinso marë' topinan pahuërëtapon. Onposona pahuërëtacaso sha'huitohuachina', pahuërëtapon. Co tëpacaiso ya'huërinhuë'. Ina cosonaso', pa'anatona hua'anëntopi ni'ton, co tëpaponahuë'. ²¹Oshanën inquicaso marë' tëhuëna'piso', a'nara carniro quëcapon. Chinotëramacoso në'mëtë pëi', ya'coananënuquë huarë' quësarin. ²²Ina carniroso', tëhuëna'pi oshanën marë' tëparapi. Inapotohuachina', corto hua'an ina marë' nontarinco ni'ton, oshanën inquitarahuë'.

²³No'pa' quihuitëranquëmaquë ya'conpatama', nisha nisha huayoro'sa sha'sarama'. Nitohuachina', co a'naroáchin iroaramahuë'. Cara pi'ipi nitërinso', piyapi co marchahuanhuë pochin nitarama'. ²⁴Catapini pi'inquëso' ya'ipi nitërinso' ca marë' acoarama'. Naporo' chinotatomaco, capa cancantarama'. ²⁵A'natëräpo pi'ipinquë tëhuëchinso',

noya huachi iroarama'. Inapohuatama', shanëma na'con na'con nitapon. Caso Yosëco napotaranquëma ni'ton, natëco.

²⁶Ma'sha capamaso marë' tëpahuatama', huënaïnën noyá inquico'.

Ama ani'tacaso marë' pënotonquë pacosohuë'. Ama pënotatoma a'na tahuëri ma'sona onpocaiso sha'hui-camaso nohuantocosohuë'.

²⁷⁻²⁸Nichimiantohuatama', ama canpitato niya'itocosohuë'. Co shinoratë tëranta yaquicaso ya'huërinhuë'. Co máquëma tëranta ina marë' niyanocamaso ya'huërinhuë'. Naporahuaton ama nonëmaquë marca pochin, ma'sha nonancosohuë'. Ca Sinioroco napotaranquëma'.

²⁹Ama hui'nama sanapi nininso', mamanshi marë' monshihuainasohuë'. Ama inapotatoma ya'huëramaso no'pa' tapicosohuë'.

³⁰Chinoto tahuëri sha'huitëranquëmaso', noya nicatoma chinotoco'. Chinotëramacoso në'mëtë pëinta', noya ni'co'. Caso Sinioroco napotaranquëma'.

³¹Ama chimipiro'sa përahuayancosohuë'. Ama pënotonquë ma'sha nitotacaso marë' pacosohuë'. Ina pochin nipatama', amirotochináchin nisarama'. Caso Yosëco napotaranquëma ni'ton, natëco.

³²Mashoyaro'sa', paiyaro'sa', inapita noya ni'quë'. Huë'pachina', huanirahuaton noya nontëquë'. Canta të'huatatomaco, noya ni'co. Ca Sinioroco napotaranquëma'.

³³⁻³⁴Nisharo'sa yacapahuachinquëma', ama aparisitocosohuë'. Canpita capini pochachin nicatoma', nosoroco'. Iquipitoquë canpitanta', nisharo'sa pochin nicatoma yacapatërama'. Ina yonquico'. Caso Yosëco napotaranquëma ni'ton, natëco.

³⁵Ama ihuatamaso marë' a'nitiinano'sa', pë'tënano'sa', inapita tapicosohuë':

Naporopitërinso a'nicaso', quëquëinso' pë'tënacaso', no'huiquën a'nicaso', inapita ama tapicosohuë'. ³⁶No'tën pë'tënanquë pë'tëncó'. Na'con pë'tëna marë' nininso', no'tëquënáchin acotoco'. Naporopitërinso', pancanatërinso', inapitanta no'tëquën a'nico'. Caso Yosëco Iquipito quëran ocoiranquëma ni'ton, natëco.

³⁷Ya'ipi pënënanquëmasopita, ya'ipi camairanquëmasopita, inapita natëco'. Ca Sinioroco napotaranquëma ni'ton, natëco," itërin.

Niyontonacaiso tahuëri'sa

23 ¹Siniorori Moisésë nontaton itapon: ²"Isonta', isairro'sa camaitërahuëso sha'huitëquë': Nisha nisha yoquiquë, nisha nisha tahuëri nani huayonahuë. Canpita niyontomatoma', casáchin chinotamacoso marë' huayonahuë. Ina tahuëri'sa nohuitatoma': 'Sinioro marë' niyontonëhuaso tahuëri'sa,' tosarama'.

³Nani simanaquë saota tahuëri sacatarama'. Tahuëririnquëso nipirinuë', co sacataramahuë'. Ina tahuëri noya nicatoma chinotaramaco. Naporo tahuëri chinotamacoso marë' niyontonarama'. Insëquë tëranta ya'huëpatama', naporo tahuëri chinotamacoso marë' chinotarama'.

⁴Isopita tahuëri'santa', noya nicatoma chinotaramaco. Naporo niyontomatoma', chinotoco:

⁵Nani pi'iquë canpita marë' ya'natiirinso yoqui nanihuachin, pascoa pita ca marë' na'huëarama'. Shonca catapini tahuëri nanihuachin i'huanahuanquë, nispiratarama'.

⁶Tahuëririnquëso', pan co ahuëcatopisohuë' capacaso pita caniaritarama'. Canchisë tahuëri ca yonquiatomaco ina pochin pan ca'sarama'. ⁷Ina pita caniaritërinso tahuëri chinotamacoso

marë', niyontoanama'. Naporo tahuëri co sacataramahuë'. ⁸Canchisë tahuëri'sa chachin chinotamacoso marë', ma'sha tëparahuatoma ahuiquitarama'. Ina pita nitiquirinso tahuërinta', chinotamacoso marë' niyontoantarama'. Naporo tahuërinta', co sacataramahuë'," itërin Yosëri Moisésë nontaton.

Ya'nán cayarinsopita mapiso' pita

⁹Naquëranchin Siniorori Moisésë nontaantarin: ¹⁰⁻¹¹"Isairro'sa sha'huitëquë': No'pa' quëtaranquëmataquë ya'huëhuatama', sipata sha'namaso cayahuachin, quëshico. Noya noyaterinsopita quëran ya'nán së'tamo manamaso', corto hua'an quëtonco'. Inari chinoto tahuëri tahuëririnquë a'notaponco. A'notohuachinco carinta isairro'sa noya ni'sarahuë. ¹²Sipata së'tamo a'notëramacoso tahuëri chachin a'nara carniroa'huanta a'na pi'ipitërinso' a'notapomaco. Co máquën tëranta tëhuërinsohuë', a'notapomaco. Corto hua'ani ina tëparahuaton, chinotincoso marë', ya'ipi ahuiquitapon. ¹³Catapini quiro miria pochin noya noya sipata ro'monta quëshipomaco. Inaso', tomaquë ayontatoma taparamaso'. Inanta', corto hua'ani ca marë' pimóchin ahuiquitarin. Ina aipi opocaso marënta', cato tason pochin huino quësarama'. ¹⁴Ya'ipi inapita ca marë' quënamaso', corto hua'ani ahuiquitarin. Co'huara inapochátërasohuë', co canpitaso ina sipata quëran pan nicatoma capamaso ya'huërinhuë'. Co iyanatoma tëranta', co nanpira tëranta', capamaso ya'huërinhuë'. Ya'ipi ipora camairanquëmasopita, co canpitasáchin camairanquëmahuë'. Shiparimapitanta', natëcaiso ya'huërin. Insëquë tëranta ya'huëpatama', ina pochin nicacamaso ya'huërin.

Trico nanquipiso' pita

¹⁵⁻¹⁷Noya noyatërinsopita sipata sé'tamo a'notëramacoso tahuëri, yonquico'. Chinoto tahuëri tahuëririnquë, corto hua'ani ca marë' ina ahuiquitarin. Inapotërinsó tahuëri quëran, canchisë chinoto tahuëri pichisarama'. Tahuëririnquëso', a'natërápo shonca tahuëri icanin. Naporo' ya'huëramaquë, nasha trico masarama'. Ina manama quëran, ca marë' pan ninamaso', quëshipomaco. Iso pochin nisarama': Trico ro'mo noya noya nininsó' quëran, cato pan ahüepocatopinán nisarama'. A'naya a'naya catapini quiro quë'ninsó'. Ya'nán nitërinsopita noya noyatërinsó' quëran, ca marë' nicapoma'. ¹⁸Inapitarë chachin isopitanta', quësarama': Canchisë carniroa'hua a'na pi'lipitopiso' co máquëna tëranta tëhuërinsohuë' quësarama'. A'na toroa'hua, cato carniroa'hua, inapitanta quësarama'. Inapitaso' corto hua'ani tëparahuaton ca marë' pimóchin ya'ipi ahuiquitarin. Inapitarë chachin trico ro'mo', huino, inapitanta quëshiamacó.

¹⁹Naporo chachin a'nara chipo tëpaarin oshanëma marë'. Nanan anoyatërëhuaso marë' nininsonta', cato carniroa'hua a'na pi'lipitërinsó' tëpapon. ²⁰Nani tëparahuaton corto hua'ani, inapita ofrenda huënshopinan a'notaponco. Pano'sa nasha trico quëran ninamasorë chachin a'notaponco. Inapitaso' ca marë' quënama ni'ton, corto hua'anquën nisarín.

²¹Naporo tahuëri chachin canpitanta', niyontomatoma chinotaramaco. Co manta sacatamaso ya'huërinhuë'. Ipora camairanquëmasopita, co canpitasáchin camairanquëmahuë'. Shiparimapitanta', natëcaiso ya'huërin. Insëquë tëranta ya'huëpatama', ina pochin nicacamaso ya'huërin.

²²Sharo'sa nitërinsó' macacaso nanihuachin, ama naniarin quëran huarë' macosohuë'. Pi'pian pi'pian quëparitërinsopita, ama oshatocosohuë'. Sa'ahuaró'sa', nisharó'sa', inapita marë' acotoco'. Caso Yosëco napotaranquëma ni'ton, natëco," itërin.

Tronpitaro'sa pihuipiso pita

²³Naquëranchin Siniorori Moisésë itaantapon: ²⁴"Isonta' camaitërahuëso', israiro'sa sha'huitëquë': Pascoa yoqui na'huërin quëran huarë', saota yoqui pichisarama'. Canchisë nanicaso marë' caniaritërinsó tahuëri chachin chinotarama'. Nani pi'liquë naporo tahuëri yonquiamacoso marë' niyontoanama'. Tronpitaro'sa pihuitoma niyontoanama'. ²⁵Naporo tahuëri chinotamacoso marë' corto hua'ani ma'sha tëpaton ahuiquitarin. Co manta sacatamaso ya'huërinhuë'," itërin.

Nanan anoyatacaso tahuëri

²⁶Naquëranchin Siniorori Moisésë itaantapon: ²⁷"Isonta' camaitërahuëso', israiro'sa sha'huitëquë': Tronpitaro'sa pihuipiso' pita yoquiquë chachin, shonca tahuëri nanihuachin, nanan anoyatacaso tahuëri nisarín. Naporo' co coshatatomarahuë', chinotamacoso marë' niyontoanama'. Naporo' chinotamacoso marë', corto hua'ani ma'sha tëparinsó' ahuiquitarin. ²⁸Nanan anoyatacaso tahuëri ni'ton, co manta sacatacaso ya'huërinhuë'. Naporo tahuëri oshanëma inquitaranquëma'. ²⁹Inso tëranta naporo tahuëri coshatohuachin, ya'huërama quëran ocoiarama'. ³⁰Inapochachin naporo tahuëri sacatohuachinanta', cari chachin ata'huantarahuë huachi.

³¹Ama naporo tahuëri manta sacatocosohuë'. Ipora camairanquëmasopita,

co canpitasáchin camairanquémahué'. Shiparimapitanta', natécaiso ya'huérin. Inséquë tēranta ya'huépatama', ina pochin nicacamaso ya'huérin. ³²Canpitaso naporo tahuéri ca yonquiatomaco co coshatatamarahué', chinotaramaco. Isonc tahuéri nanihuachin i'huanahuanquë iso pita caniaritarin. Tahuëririnquë i'huaraya huarë' nitiquiarin," itërin.

Imënamëro'sa pita

³³⁻³⁴Naquëranchin Siniorori Moisésë itaantapon: "Isonta' camaitërahuëso', israiro'sa sha'huitëquë': Nanan anoyatacaso tahuéri yoquiquë chachin shonca a'natëräpo tahuéri nanihuachin, imënamëro'sa pita na'huëarama'. Canchisë tahuéri ca yonquiatomaco pita nisarama'. ³⁵Caniaritërinso tahuéri niyontomatoma chinotaramaco. Ama manta naporo tahuéri sacatocosohuë'. ³⁶Canchisë tahuéri chachin corto hua'ani ma'sha tëpapiso', ca marë' ahuiquitarin. Nani canchisë tahuéri na'huëpachin, tahuëririnquëso niyontantarahuatoma chinotaramaco. Naporonta ma'sha tëpapiso', corto hua'ani ca marë' ahuiquitarin. Naporonta pita tahuéri ni'ton, co manta sacatamaso ya'huërinhuë'.

³⁷⁻³⁸Inapita pitaro'saquë, yonquiaramac: 'Sinioro chinotacaso tahuëri'sa', tosarama'. Naporo tahuëri'sa ca marë' ofrenda quënamaso' ahuiquitarama'. Oshanëma marë' ma'sha quënamasoso', ya'ipi ahuiquitarama'. Trico, sipata, inapita no'moquëonta', ca marë' quësarama'. Nanan anoyatërëso marë' nininsonta', ma'sha quëshipomaco. Huinonta ofrenda quëcacasos' nininso', inanta quësarama'. Nisha nisha pitaquë quëcamasos' nininso' quësarama'. Naporahuaton nani simanaquë chinoto tahuëri'sa nanihuachin,

chinotamacoso ya'huérin. Ma'sona tēranta quëtamacosos' sha'huitohuatamaco, quëcatoma a'notamacosos' ya'huérin. Canpitaora yonquinëma quëraonta ofrenda yaquëtohuatamacos, quëshitomacos a'notaramacos.

³⁹Nanan anoyatacasos' tahuëri yoquiquë chachin shonca a'natëräpo tahuëri nanihuachin, canchisë tahuëri pita nisarama'. Trico nani nanquiramasos' piquëran, chinotamacosos' marë' inapoarama'. Caniaritërinso tahuëri chinotatoma', yonquiaramacos. Nitiquërinso tahuëririnquënta chinotatoma', yonquiantaramacos. ⁴⁰Caniaritërinso tahuëri, sharo'sa noya noyatërinso pita nitërinso' masarama'. Palmeraros' sa monoquënta', masarama'. Panca ta'an nara së'paquëonta', masarama'. I' yonsanquë huanirinsopita aramo nara itopisos' së'paquëonta masarama'. Inapita quëran imënamëtatomas', chinotamacosos' huayonahuëquë canchisë tahuëri ca yonquiatomacos' noya cancantarama'. ⁴¹Pascoa yoqui na'huérin quëran huarë' canchisë yoquitapasos', nani pi'iquë ca marë' pita nisarama'. Canchisë tahuëri niyontomatoma chinotaramacos. Ipora camairanquëmasopita, co canpitasáchin camairanquémahuë'. Shiparimapitanta', natécaiso ya'huérin. ⁴²Ina canchisë tahuëri'sa chachin canpitasos' israiro'sanquëmas', chinotatomacos' imënamëro'saquë ya'huëarama'. ⁴³Ca Sinioroco Iquipito quëran ocoiranquëmas'. Inotëro parti quëcaponquëmas', imënamëro'saquë ichiya'huëranquëmas'. Ya'ipi shiparimapitanta nitotacaisos' marë' ina pita na'huëarama'," itërin.

⁴⁴Siniorori napotërinso chachin Moisésëri israiro'sa', sha'huitërin. Nisha nisha tahuëri'saquë, nisha nisha pita Sinioro yonquiatonas', noya na'huëcaisos' marë' sha'huitërin.